



Broj: 04-40-1-194/25
Sarajevo, 14.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 13.07.2025. do 08:30 sati 14.07.2025. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 13.07.2025. godine u 14:15 sati, od građanina, da je u naselju Hrasnica pronađeno više komada NUS-a.

Informacija je prenesena Timu za UES Federalne uprave civilne zaštite, koji će pronađena neeksplozivna ubojna sredstva preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su osam manjih intervencija: tri na gašenju niskog rastinja, jednu na gašenju smeća u kontejneru, tri obezbjeđenja na Međunarodnom aerodromu Sarajevo i jednu tehničku intervenciju na otvaranju vrata stana.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 13.07.2025. godine, utvrdili su sljedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Stanje Redovnim obilaskom lokaliteta tokom dana i u noćnim satima, utvrđeno je sljedeće stanje: vidljiv je dotok vode iz tri pravca podnožja deponije Knjeginjac, koji se ulijevaju u drenažni kanal. Nisu uočene nove pukotine na terenu, niti na dijelu igrališta. Na igralištu trenutno nema prisutnih plavnih površina, što se može povezati s poboljšanjem vremenskih uslova. Međutim, u donjem dijelu terena, neposredno ispod igrališta, kao i u pojasu iznad tzv. rasadnika, i dalje je konstantno

prisutno vlažno i blatnjavo tlo, što ukazuje na zasićenost tla vlagom, vjerovatno uslijed kontinuiranog prisustva podzemnih ili površinskih voda. Vizuelnim pregledom nije uočeno nastajanje novih pukotina na terenu. U toku dana u ulici Ablakovina čikma na br. 21 prijavljeno je da se iza stambenog objekta pojavila voda. Obilaskom objekta ustanovljeno je da se iznad samog objekta nalazi izvor koji je prethodno djelimično ucijepljen. U drenažnom kanalu vidljiv je dotok vode, ali se sa sigurnošću nije moglo utvrditi da li voda dolazi iz izvora iznad objekta. U podrumskim prostorijama objekta primjećeno je kapanje vode iz zida koji se nalazi neposredno iznad drenažnog kanala, a zidovi su vidno vlažni. Također, prisutna je vlaga i na zidovima unutar kuće.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Na lokalitetu deponije Knjeginjac nisu zabilježene veće promjene u odnosu na prethodne dane. Vizuelnim pregledom ustanovljeno je da u rigolu iznad ceste nema prisustva vode. Takođe, nisu uočena nova dovlačenja zemljanog ili drugog materijala na deponiju. U donjem dijelu deponije i dalje je prisutna veća količina vode, u vidu plavnih površina i područja s blatnjavim tлом, što ukazuje na zadržavanje oborinskih voda i eventualno otežano oticanje. Ovo stanje zahtijeva dalji nadzor, posebno u kontekstu potencijalnog uticaja na stabilnost terena i mogućeg širenja vlažnih zona. Preporučuje se redovno praćenje stanja tla i drenaže, uz razmatranje dodatnih mjera za stabilizaciju donjih zona deponije.

Ocjena rizika: Slijeganje deponijskog materijala i erozija uslijed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Obilaskom lokaliteta Bistričkog potoka utvrđeno je da nema značajnijih promjena u odnosu na prethodna zapažanja. Na lokalitetu Bistričkog potoka zabilježen je slab dotok vode iz pravca Trebevića. U gornjem toku potoka, neposredno ispod objekta u izgradnji Trebević Hills, i dalje su prisutna oborena stabla i odronjeno kamenje koje se nalazi unutar korita. Donji dio vodotoka je prohodan, bez prepreka u protoku vode i bez vidljivog zadržavanja. S obzirom na prisustvo prepreka u gornjem dijelu potoka, preporučuje se njihovo uklanjanje kako bi se omogućio nesmetan protok vode, posebno u slučaju budućih obilnijih padavina koje bi mogle dovesti do lokalnog plavljenja ili zagušenja toka.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 20°C, vlažnost zraka 54%, barometarski pritisak 954,4 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije "Ilijaški dani 2025", u vremenu od 10 do 24 sati obustavljen je saobraćaj u ulici 126. Ilijaške brigade.

Zbog održavanja manifestacije, do 10.08.2025. godine u vremenu od 18 do 23 sata obustavljat će se saobraćaj u Hadžićima (u ulicama Hadželi i Zlatnih ljiljana).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a